

ԵԿԵՂԵՑԱԿԱՆ ԺԱՄԱՆԱԿԱԳՐՈՒԹԻՒՆ

ՀԱՅ ԱԶԳԱՅԻՆ ԵԿԵՂԵՑԻ

Տանկահայոց պատրիարքի ընտուրի եր.

Արարատի նախկին համարում զետեղուեց այն հեռաղիրը, որ աւետում էր, թէ կ. Պօլսոյ պատրիարքական աթոռը երկար ժամանակ տեղապահով կառավարուելուց յետոյ գեկտմբ. 2-ին ունեցաւ իւր Պատրիարքը յանձնի Տովհաննես արքեպիսկոպոս Արշարունու:

Այժմ Արարատի ընթերցողներին տանք ընտրութեան դործողութեանց այն մանրամասնութիւնները, որոնց վախճանն է եղել Տ. Յ. արքեպիս. Արշարունու ընտրութիւնը:

Դեկտեմբեր 2-ին Ազգ. ժողովը նիստ է գումարել և 92 երեսփոխանների մասնակցութեամբ պատրիարքական ընտրութիւն կատարելով,

Տ. Յով. արքեպիս. Արշարունին ստացել է 52 քուէ,

Տ. Եղիշէ արքեպ. Դուրեան » 36 »

Տ. Արամեան արքեպիսկոպոս » 1 »

Հետեաբար քուէների մեծամասնութեամբ Պատրիարք է յայտարարուել Արշարունի Սրբազնը:

Մինչև ժողովը կարելի չի եղել զուշակել, թէ ով է հաւանական ընտրելին, քուէների ցրուած լինելու պատճառով. որովհետեւ կուսակցական երեսփոխանները և ձախակողմը որոշած են եղել «առանց ընդունելու որ եւ զիջում» իրենց քուէները կենդրոնացնել Դուրեան սրբազնի վրայ, որով Դուրեանի համար 35 քուէ ապահովուել է: Միւս կողմից կենդրոնն ու չեղոք երեսփոխաններն ել դեռ համաձայնութեան եկած չեն եղել: Թէև մեծամասնութիւնը պաշտպանելիս է եղել Արշարունի սրբազնի թեկնածութիւնը, բայց նիկոմիզիոյ Առաջնորդ Տ. Ստեփաննոս սրբազնի և Տ. Զաւեն Եպիսկոպոսների թեկնածութիւնները

պաշտպանողներ նոյնպէս եղել են: Այսպիսով ենթադրուել է, որ ընտրութիւնը պիտի տեղի ունենար համաձայն ձայների յարաբերական չափին Բայց ամենքի ցանկութիւնն էլ այն է եղել, որ աչքի տռաջ ունենալով արևելեան գաւառների արգի փափուկ վիճակը, իրենց քուները կենդրունացնեն մէկի վրայ, որպէսզի ընտրուողը որպէս ամբողջի ցանկութեամբ պաշտօնի հրաւիրուող, ոյժ զգայ իւր մէջ, կատարելիք զիմումների ժամանակ:

Ժողովը սկսուել է ժամը 3-ին նախագահութեամբ Մանկունի սրբազնի և ատենապետութեամբ Մանուկ էֆ. Ազարեանի: Նախ հաստատուել է Գատը զիւղի երեսփոխան Ահաօն էֆ. Թարագի ընտրութիւնը, յետոյ կարգացուել է Քաղ. ժողովի տեղեկադիլը՝ Համագումարի ցանկից իր կատարած 5 եպիսկոպոսների ընտրութեան մասին և ապա Ատենապետաց Դիւանի տեղեկադիլը, որով անսրբադրելի է ընդունուել այդ ընտրութիւնը: Ինչպէս յայտնի է, Քաղաք-ժողովը Համագումարի ցանկից ընտրած է եղել Տ. Տ. Արշարունի, Մանկունի, Սարացեան, Բարդէն և Ամրատ սրբազններին, ինչպէս որ զրուեց Արարատի անցեալ համարում:

Արանից յետոյ Ատենապետի տռաջարկութեամբ ընդունուում է 10 լուս. զաղար ընտրակոն խորհրդակցութեանց համար:

Մկրտիչ էֆ. Մելիքեան առաջարկել է խօսել թեկնածուների արժանիքների և պակասութեանց մասին, ինչպէս և կարդալ Ազգային սահմանադրութեան այն յօդուածները, որոնք վերաբերում են պատր. ընտրութեանը:

Վարդգէս էֆ. աւելորդ է գտել այլպիսի մի վիճաբանական խօսակցութիւն, նախատեսելով, որ իւրաքանչիւր երեսփոխան արդէն լաւ ուսումնասիրած պիտի լինի իւր թեկնածուն և համաձայն իւր խղճի ազատ թելազրութեան քուէ պիտի տայ:

Ժողովը ընդունելով Մկրտիչ էֆ. Մելիքեանի առաջարկութեան երկրորդ մասը, կարգացել է Ազգ. ստհմանադրութեան վերև ակնարկած յօդուածները և անմիջապէս ընտրութեան անցել:

Քուէարկութիւնից յետոյ, երբ սկսել են կարդալ քուեները և Արշարունի սրբազնի անունը հասել է 47-րդ քուեին, այսինքն ընտրող երեսփոխանների $\frac{1}{2}$ -ից 1 աւելիին բուռն կերպով ծափահարել է ժողովը: Այնուհետեւ Առենապետը գովասանքով մի ձառ է տաել նորընտիր Պատրիարքի մասին և շնորհակալութիւն յայտնել ժողովի կողմից Տեղապահ սրբազնին:

Ժողովի վերջին ստորագրուել է ընտրութեան մազպարան Բ. Դուռն ներկայացնելու համար:

(Բիւզ.)

Կինոագրական Տեղեկութիւններ նորենից
Պատրիարքի մասին.

Նորընտիր Պատրիարք Ամենապատիւ Տ. Յովհաննես Արքեպիս, Արշարունին հայ եկեղեցականութեան վարչական շրջանակի մէջ ծանօթ անձնաւորութիւն է: Նա իւր կեանքի ընթացքում ճանաչուած է որպէս մաքուր և անշահատէր մի եկեղեցական: Այժմ նա 57 տարեկան է, ծնուած Թօփաքու: Նախնական կրթութիւնը Պալաթի վարժարանում լրացնելուց յետոյ, մտել է Խալաթա Սէրայի վարժարանը, որի ամենափայլուն շրջանն էր այդ, և զպրանոցի այդ ժամանակուայ սաները ներկայումն Տաճկահայատանում դիլքի տէր անձնաւորութիւններ են:

Միհրան Մանուկեանի համար (Արշարունի Ա-ի աշխարհական անունը), յիշեալ դպրոցն աւարտելուց յետոյ, բացւում էին պետական ծառայութեանց գոները, ուր ծառայում էր նրա հօրեղբայրը, բայց նա իւր բարոյական պարտքն է համարել իւր ոյժերը հայրենիքի ու ազգի ծառայութեանը նուիրել և ընտրել է ուսուցչական ասպարեզ: Մի անգամ ընդ միշտ համազուած լինելով, որ ինքը պարտաւոր է իւր ազգին ամեն կերպ օգտակար լինել, և որ այդ պարտքը կատարելու շատ զիւրութիւններ է ներկայացնում հոգեորական ասպարեզը, Միհրան Մանուկեանը ուսուցչութիւնը թողնելով մտաւ հոգեորականութեան առ-

պարեզը՝ վարդապետութիւն ընդունելով հոգելոյս Խղմիլը-
լեան Ա.-ից 1878 թ. Եղիշէ Դուքսեան և Մատթէոս Արծիւեան
վարդապետների հետ Զեռնազրելուց կարճ ժամանակ յե-
տոյ նա Ռօգոստօ գնաց իրբեւ ուսուցիչ և քարողիչ: Այսու-
հետեւ երկար տարիներ որպէս քարողիչ գնաց Պալաթ,
յետոյ նաև գարու, Կեռիկ փաշա և այլն. և նոյն միջոց-
ներին վարչութեան անդամ և երեսփոխան եղաւ մինչեւ
1895 թ., երբ առաջնորդական տեղապահի պատշօնով գնաց
Պրուսա, ուր եպիսկոպոսութեան վկայական ստանալով,
ձեռնազրուեցաւ հոգելոյս Խրիմեան կաթուղիկոսից, իրեւ
առաջնորդ Պրուսիոյ:

Բռնակողական ռեժիմի ժամանակ, Արշարունի Ա.-ը
որպէս Պրուսիոյ առաջնորդ կարողացաւ հասկանալ տաճիկ
կուսակալների քաղաքականութիւնը և շնորհիւ իւր բռնած
հմուտ ընթացքի, կարողացաւ պաշտպանել իւր ժողովրդի
շահերը: Երկար ժամանակ նա Պրուսիոյ առաջնորդական
պաշտօն վարեց և յեղափոխութիւնից յետոյ հրաժարուե-
լով սեցաւ Պոլիս քարողչի պաշտօն ստանձնելով Սկիւտարի
և Կարապետ եկեղեցում: Այս շրջանում նա կարճ ժա-
մանակով վարեց պատր. տեղապահի պաշտօն և մեծ հըմ-
տութիւն ցոյց տալով, այսօր ազգը նրան արժանի համարեց
Պատրիարքի պաշտօնի:

Այժմ որ գաւառներից պատրիարքարան հասած հե-
ռազիրները այնքան ել խաղաղ կացութեան մէջ չեն նկա-
րազրում Տաճկաստանի հայ ազգաբնակչութեան վիճակը,
նորընտիր Պատրիարքի գրութիւնը խիստ փափուկ է: «Կոչ-
նակը» նկարազրելով այս գրութիւնը, աւելացնում է «Յոյս
ունինք, որ իր տեղապահութեան ու առաջնորդութեան
օրով ձեռք բերած փորձառութիւնները, ազգի ու եկեղեցու
հանդիպ ունեցած իւր ջերմ վերաբերմունքը պիտի հոչա-
կին նորան որպէս զործունեայ և հեղինակաւոր մի պատ-
րիարք»: Այնուհետեւ շարունակելով ընթերցանութիւնը
մենք մի շատ ուրախալի երեսոյթի ենք հանդիպում: Այդ
այն է, որ յիշեալ թերթը նկատելով մի կարեռ հանգա-
մանք՝ ժողովրդի զանազան խաւերի աջակցութիւնն ու

գործակցութիւնը ազգի որոշ մասի հովիւ և զլու խ կոչուածի համար, հրաւեր է կարդում թրքահայ ժողովրդին, որ սա մոռացած ամեն ինչ իւր քաջակերութիւններով ու Խրախուսանքով նեցուկ հանդիսանայ նորընտիր պատրիարքին, և ոչ թէ զանազան բողոքներով, խարդախանքներով ու վայր ի վերոյ քննազատութեամբ, անձնական խնդիրներ հրապարակ բերելով ջլատէ նրա ոյժերը: Աղջունում ենք Տաճկահայ լրագրի այդ քայլը, քանի որ այդ է պահանջում մեր հասարակական շահի առողջ զիտակցութիւնը:

Նորընտիր Պատրիարքի նաստանութիւնը.

Դեկտեմբեր 7-ի խառն ժողովի մէջ զեկուցուել է, թէ նորընտիր Պատրիարք Տ. Յովհաննէս Արշարունի եպիսկոպոսը արդէն վաւերացուած է իւր պաշտօնի մէջ ուստի և ժողովը որոշել է, հետեւ այդ շարթուն էլ կատարել ուխտի արարողութիւնը, որ նորընտիր պատրիարքը ձեռնարկէ իւր պաշտօնին: Մայր Դիւնի կարգագրութեամբ դեկտ. 9-ին մայր եկեղեցի գնալու համար մի շարք երեսփոխանների արդէն հրաւեր է ուղարկուած: Խառը ժողովի կողմից Տ. Արմբատ վարդապետ, և Տ. Սրբահամ քհնյ. ինչպէս և ատենապետ Ասլաննեան և Գ. Գույյումնեան էֆէնտիները շնորհաւորելու են գնացել նորընտիր պատրիարքին, որը յայտնել է, թէ ինքը այսուշետե որպէս ժողովի նախազահպետք ունի ժերմ գործակցութեան:

Արարատի Դեկտ. №-ում լուր առնելով «Բիւզանդիոնից» գրուեց, որ հայ զալիքները Տաճկաստանի զինուորական նախարարութեան որոշմամբ չեն ազատւում զինուորական ծառայութիւնից: Այդ առթիւ «Կոչնակի» դեկտ. №-ում այժմ կարգում ենք, որ Կ. Պոլսոյ պատրիարքարանների միջազգային յանձնաժողովը իւր զեկտ. 6-ի նիստում որին Հայոց պատրիարքարանի կողմից մասնակցել են պ. պ. Տա-

զաւարեան և մէրհատու որոշել է նորից քննութեան առնել կառավարութեան կարգադրութիւնը և կրկին արուելիք զիմումը որոշել: Այս մասին «Կոչնակի» նոյն №-ում լուր կայ, որ Տաճկաստանի գատական նախարարութիւնը Յունաց պատրիարքարանին հաղորդել է պատերազմական նախարարութեան զեկուցումը, թէ պատրիարքարանն այլ ևս չպէտք է զրադուի զինուորազբութեան խնդիրներով: Նախարարութեան այս վերաբերմունքը գէմ է սահմանադրութեան ոգուն:

Կ. Պօլսի Հայոց պատրիարքարանի կարգադրութիւնը
Բուլղարահայոց վերաբերմամբ

„Եայց”-ի № 4-ի մէջ կարդում ենք, որ Կ. Պօլսոյ Հ. պատրիարքարանի խնդրանօք Բուլղարաց էկզարիսթոյլ է տուել Բուլղարահայ այն համայնքներին, որոնք չունին եկեղեցիներ, իրենց ծիսակատարութիւններն ու օրենքները բուլղարաց եկեղեցիներում կատարել: Սա մի տխուր լուր է, որի իրողութիւն լինելը չենք ուզում հաւատալ: Ի՞նչ է նշանակում զիմել բուլղար պրաւօսլաւ էկզարիսին և խնդրել որ թոյլ տրուի հայերին բուլղարաց եկեղեցիներում Հայկական ծէսեր կատարել. միթէ ուրիշ ելք հնաւոր չի եղել. միթէ կարելի չէր այդ կարիքը բաւարարել մի այլ ճանապարհով: Եւ փոխանակ այլ միջոց գտնելու, փոխանակ խրախուսելու, քաջալերելու Բուլղարահայ գաղութի մէջ այն սէրն ու հաւատը, որ նա կտրուած բուն հայրենիքից, տածում է զէպի իւր ազգային եկեղեցին, այսօր Ազգ. պատրիարքարանը զիմել է, մի քայլի, որով նպաստում է իւր հօտի մէջ եղած ցանկալի ու անհրաժեշտ հոգեկան կողմերի սառչելուն: Փոխանակ նպաստելու, որ չեղած տեղերում եկեղեցիներ հիմնուեն, որպէսզի առանց այն էլ օտարացող հայ գաղթականութիւնը միանգամայն շխորթանայ իւր ազգութիւնից, այսօր վերջինիս առաջ Ազգ. պատրիարքարանը բանալ է տալիս բուլղարական պրաւօսլաւ եկեղեցու դոները: Յի-

շեցէք ազգային այն աւանդութիւնը, որ պատմում է, թէ ինչպէս անպարտելի և զօրեղ էր զգում իրեն Արշակ թագաւորը Պարսից Շապուհ թագաւորի արքունիքում երբ կանգնում էր Հայաստանից բերուած և զորդի տակ փռած հայրենի հողի վրայ և ինչպէս թոյլ ու մեղկ զգում իրեն այդ հողից հեռանալիս: Ոքքան էլ որ առ աւանդութիւն է, բայց և այնպէս ունի իւր խորը հոգերանեկան անհերքելի ճշմարտութիւնները: Մենք չենք կարծում, որ վերը յիշուած մանրամասնութիւնները Ազգ պատրիարքարանի կողմից նկատուած չլինին:

ՀԱՅ ԿՈ.ԹՈԼԻԿԻ ԵԿԵՂԵՑԻ

Ինչպէս յայտնի է, Կաթողիկ Հայոց կ. Պոլսոյ պատրիարք Թերզեանի մի անխորհուրդ ընթարցի պատճառով Պոլսոյ երկու պատրիարքարանների մէջ յարաբերութիւնները վերջին ժամանակներս խղուած էին: Տայց որովհետեւ Թերզեան պատրիարքի բռնած ընթացքը չէր համապատասխանում հայ կաթոլիկաց վարչական խորհրդի աշխարհական անդամների ցանկութեանը, ուստի վերջիններս տրամադրութիւն ունեին իրենց համերաշխութիւնը գործնականապէս արտայայտել: Այսպիսով Արշարունի սրբազնի ընտրութիւնը մի յարմարագոյն առիթ է հանդիսանում: Խղուած յարաբերութիւնները վերսկսելու համար, ուստի և հայ կաթ. վարչական խորհուրդը վերջերքս գումարած իւր մի նիստում ընտրում է մի պատգամաւորութիւն նորընտիր Պատրիարքին շնորհաւորելու իւր ստանձնած պաշտօնը:

(Բիւզ.)